



P R A V I L N I K
O USLOVIMA, NAČINU I KRITERIJIMA DODJELE
SREDSTAVA PREDŠKOLSKIM OBRAZOVNIM
USTANOVAMA IZ BUDŽETA
OPĆINE VELIKA KLADUŠA

Velika Kladuša, juli 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), 43. Statuta Općine Velika Kladuša ("Službeni glasnik Općine Velika Kladuša", broj: 12/11), a u vezi članom 25. Odluke o izvršavanju Budžeta Općine Velika Kladuša („Službeni glasnik Općine Velika Kladuša”, broj: 9/24 i 9/25), i tačkom 5. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24), Općinski načelnik donosi

PRAVILNIK
O USLOVIMA, NAČINU I KRITERIJIMA DODJELE SREDSTAVA PREDŠKOLSKIM
USTANOVAMA IZ BUDŽETA OPĆINE VELIKA KLADUŠA

Član 1.

(Predmet)

Ovim Pravilnikom (u daljem tekstu: Pravilnik) utvrđuju se uslovi, način i kriteriji za dodjelu sredstava predškolskim obrazovnim ustanovama iz Budžeta Općine Velika Kladuša (u daljem tekstu: Općina).

Član 2.

(Uslovi za ostvarivanje prava)

Sredstva iz člana 1. ovog Pravilnika dodjeljuju se predškolskim ustanovama koje imaju sjedište na području općine.

Član 3.

(Način ostvarivanja prava)

- (1) Sredstva iz člana 1. ovog Pravilnika dodjeljuju se putem Javnog poziva i podnesenih zahtjeva po istom.
- (2) Zahtjeve iz stava (1) ovog člana podnose predškolske ustanove na propisanom obrascu, a koji je sastavni dio Javnog poziva.
- (3) Javni poziv raspisuje Općinski načelnik putem nadležne Službe, a isti se objavljuje na web stranici Općine.
- (4) Javni poziv ostaje otvoren do kraja kalendarske godine, odnosno do iscrpljenja sredstva za ovu namjenu.
- (5) Javnim pozivom se definiše maksimalan iznos sredstava po podnesenom zahtjevu uzimajući u obzir namjenu za koju se sredstva traže.
- (6) Zahtjevi se dostavljaju službi nadležnoj za predškolske ustanove (u daljem tekstu: Služba) putem protokola Općine ili putem pošte.
- (7) Zahtjeve iz stava (5) ovog člana razmatra nadležna općinska služba.
- (8) Služba, nakon razmatranja prijave, općinskom načelniku dostavlja prijedlog za raspodjelu sredstva.
- (9) Općinski načelnik donosi konačnu odluku, na osnovu koje se potpisuje Sporazum ili Ugovor o dodjeli sredstava.
- (10) Na osnovu Sporazuma/Ugovora nadležna služba za finansije vrši isplatu sredstava.

Član 4.

(Kriteriji za dodjelu sredstava)

(1) Sredstva iz člana 1. ovog Pravilnika dodjeljuju se predškolskim ustanovama za projektne aktivnosti u vidu:

- troškova nabavke opreme i
- investicionih troškova koji uključuju troškove pribavljanja akata o građenju, kao i građevinske radove.

(2) Na osnovu ovog Pravilnika sufinansirati/finansirati će se aktivnosti koje se implementiraju tokom godine za koju je raspisan Javni poziv.

Član 5.

(Eliminatorni kriteriji)

(1) Služba neće razmatrati zahtjeve za dodjelu novčanih sredstava onim predškolskim ustanovama koje nisu u skladu sa Odlukom o izvršenju budžeta Općine dostavile izvještaj o utrošku novčanih sredstava za prethodnu godinu.

Član 6.

(Potrebna dokumentacija)

- (1) Zahtjev za dodjelu sredstava koji sadrži detaljno obrazloženje projektne aktivnosti,
- (2) Ukoliko se radi o nabavci opreme uz zahtjev iz stava 1. ovog člana potrebno je dostaviti predračun, a za investicione troškove potrebno je dostaviti predmjer i predračun radova, odnosno drugu dokumentaciju iz koje je vidljiva vrijednost planirane aktivnosti,
- (3) Bankovna instrukcija za plaćanje (potvrda o broju tekućeg računa predškolske obrazovne ustanove).

Član 7.

(Praćenje i izvještavanje)

- (1) Izvještaje predškolskih ustanova obrađuje i prati nadležna općinska služba.
- (2) Služba je dužna redovno izvještavati općinskog načelnika o pristiglim izvještajima, sadržaju i ispravnosti izvještaja.

Član 8.

(Finansijska sredstva)

Finansijska sredstva za realizaciju ovog Pravilnika utvrđuju se Budžetom Općine za svaku kalendarsku godinu.

Član 9.

(Stupanje na snagu i objava)

Ovaj Pravilnik stupa na snagu narednog dana od dana objave na Oglasnoj ploči i web stranici Općine Velika Kladuša.

Broj: 02-11-2194/25

Datum: 08.07.2025. godine

